

Naqqiut

Siunnersuut ulloq 14. august 2019-imeersoq taarserpaa

(Teknikikkut aaqqiinerit inatsisilioriaatsimut tunngasut pisimapput. Aaqqiinerit §§ 22-mi aamma 23-mi pisimapput. Tamatuma saniatigut aaqqiinerit torersuunissaanut tunngasut pisimallutik.)

Uunga siunnersuut: Suliffeqarfiiit innuttaasunik tapersersortarialinnik suliffissaqartitsisutut nalunaarsugaasut pillugit Inatsisartut inatsisaat nr. xx, xx. xxx 2019-imeersoq

Kapitali 1

Suliffeqarfinnik innuttaasunik tapersersortarialinnik suliffissaqartitsisutut nalunaarsugaasunik akuersisarneq

Suliffeqarfittut innutaasunik tapersersortarialinnik suliffissaqartitsisutut nalunaarsugaasutut akuerineqarnissaq pillugu qinnuteqaat

§ 1. Suliffeqarfik §§ 6-8-mi piumasaqaatinik naammassinnittooq suliffeqarfittut innutaasunik tapersersortarialinnik suliffissaqartitsisutut suliffeqarfipiup nalunaarsorneqarnissaata akuerineqarnissa pillugu Atuisartoqarnermut Unammilleqatigiinnermullu Aqutsisoqarfimmum qinnuteqarsinnaavoq, takuuk § 4.

Imm. 2. Suliffeqarfipiup suliffeqarfittut innutaasunik tapersersortarialinnik suliffissaqartitsisutut nalunaarsorneqarnissap akuerineqarnissa pillugu qinnuteqarnerani suliffeqarfipiup allagartat uku Atuisartoqarnermut Unammilleqatigiinnermullu Aqutsisoqarfimmum nassiutissavai:

- 1) Ukunannga uppernarsaatit, suliffeqarfik nammineq CVR-normoqarnermut, Kalaallit Nunaanni angerlarsimaffeqarnermut aammalu inummit ataatsimit ingerlanneqartuunnginnermik imaluunniit suliffeqarfik piginneqatigiinnikkut pilersinneqarsimasuunngitsuuneranik uppernarsaatit, takuuk § 6.
- 2) Ukunannga uppernarsaatit, suliffeqarfipiup inunnik tapersersortarialinnik siunertaqarnera, takuuk § 7, imm. 1, nr. 1, aamma suliffeqarfipiup malittarisassaanit imaluunniit malittarisassaqanngippat pilersinneqarnerani uppernarsaammit takuneqarsinnaalluni inunnik tapersersortarialinnik siunertaqarneranut uppernarsaat.
- 3) Suliffeqarfipiup inuussutissarsiuutigalugu ingerlanneqarneranut uppernarsaat, takuuk § 7, imm. 1, nr. 2.
- 4) Suliffeqarfipiup pisortanut attuumassuteqannginneranut uppernarsaat, takuuk § 7, imm. 1, nr. 3.
- 5) Suliffeqarfipiup sulinermini qanoq akuutitsineranut akisussaaneranullu nassuiaat, takuuk § 7, imm. 1, nr. 4.
- 6) Suliffeqarfipiup sinneqartoorutiminit inunnik tapersersortarialinnik suliaqarneranut uppernarsaat, takuuk § 7, imm. 1, nr. 5.

§ 2. Suliffeqarfittut innutaasunik tapersersortarialinnik suliffissaqartitsisutut nalunaarsugaasutut akuerineqarnissaq pillugu suliffeqarfipiup qinnuteqaataa Atuisartoqarnermut

Unammilleqatigiinnermullu Aqutsisoqarfimmit suliarineqartumik tamanullu saqqummiunneqarsimasumik qinnuteqarnermi immersugassamik atuilluni nassiunnissaa, aamma qinnuteqaatip emailip allatigulluunniit digitalikkut atassuteqaatit atorlugit nassiunneqarnissaa pillugu aalajangersakkanik Naalakkersuisut aalajangersaasinhaapput.

§ 3. Suliffeqarfik suliffeqarfittut innuttaasunik tapersersortarialinnik suliffissaqartitsisutut nalunaarsugaasutut akuerineqarnissaq pillugu qinnuteqartoq, qinnuteqaatip suliarineqarneranut suliamilu aalajangiinissamut pisariaqartunik paassisutissanik tamanik upternarsaatinillu tamanik nassiuussissaaq.

Imm. 2. Paassisutissanik upternarsaatinillu Atuisartoqarnermut Unammilleqatigiinnermullu Aqutsisoqarfipisariaqartutut isigisaannik, aammalu Atuisartoqarnermut Unammilleqatigiinnermullu Aqutsisoqarfipisariaqartutut isigisaatut aammalu pisariaqartitaatut iluseqartumik, nassiusseqquullugu, Atuisartoqarnermut Unammilleqatigiinnermullu Aqutsisoqarfip qinnuteqaatip suliarineqarnerani aalajangiiffigineqarneranilu suliffeqarfik peqqusinnaavaa.

*Suliffeqarfittut innuttaasunik tapersersortarialinnik suliffissaqartitsisutut nalunaarsuinermut
akuersissuteqarneq*

§ 4. Suliffeqarfik §§ 6-8-im i piumasaqaatinik naammassinnissimappat, suliffeqarfittut innuttaasunik tapersersortarialinnik suliffissaqartitsisutut suliffeqarfipalunaarsorneqarnissaa akuerineqartoq suliffeqarfik nalunaarfigineqassasoq, Atuisartoqarnermut Unammilleqatigiinnermullu Aqutsisoqarfik aalajangiisinhaavoq.

Imm. 2. Imm. 1 malillugu akuersissuteqarneq atugassarititaasut aalajangersimasut malillugit nalunaarutigineqarsinnaavoq, ilanggulligit §§ 6-8-im i suliffeqarfip piumasaqaatinik naammassinnittuarnissai.

*Suliffeqarfittut innuttaasunik tapersersortarialinnik suliffissaqartitsisutut nalunaarsorneqarnissamut
akuersissuteqarnerup utertinneqarnera*

§ 5. Suliffeqarfip § 4 malillugu akuerineqarsimasup, §§ 6-8-im i piumasaqaammik ataatsimik arlalinnilluunniit naammassinninngippat, suliffeqarfip tamanna ingerlaannartumik Atuisartoqarnermut Unammilleqatigiinnermullu Aqutsisoqarfimmut nalunaarutigissavaa. Nalunaaruteqarnissamut pisussaaffeqarnermut ilaapput suliffeqarfimmi qitiusumik aqutsisutut oqartussani ilaasortat tamarmik.

Imm. 2. Suliffeqarfip §§ 6-8-im i nalunaarsorneqarnissamut piumasaqaatit tamaasa naammassisimannngippagit, § 4 malillugu akuersissuteqarnerup utertitsinnejarnissaa pillugu Atuisartoqarnermut Unammilleqatigiinnermullu Aqutsisoqarfik aalajangiisinhaavoq. Akuersissuteqarnerup utertitsinnejarnissaa pillugu Atuisartoqarnermut Unammilleqatigiinnermullu Aqutsisoqarfik aalajangiitinnagu, suliffeqarfip tamanna qinnutigippagu, aammalu piffissaliussap naammaginartup iluani suliffeqarfik iluarsiisinnaasoq Atuisartoqarnermut Unammilleqatigiinnermullu Aqutsisoqarfik naliliippat, §§ 6-8-im i nalunaarsugaanissamut piumasaqaatit naammassineqarsimanngitsut iluarsineqarnissaannut suliffeqarfimmut

nalunaarsugaasimasumut Atuisartoqarnermut Unammilleqatigiinnermullu Aqutsisoqarfik piffissamik naammaginartumik piffissaliisinnaavoq.

Kapitali 2

Suliffeqarfittut innuttaasunik tapersersortarialinnik suliffissaqartitsisutut nalunaarsorneqarneq

Suliffeqarfittut innuttaasunik tapersersortarialinnik suliffissaqartitsisutut nalunaarsugaanissamut piumasaqaatit

§ 6. Suliffeqarfik Kalaallit Nunaanni suliffeqarfiiit nalunaarsuiffianni nammineq nalunaarsugaanermi normoqarpal (CVR-normu), aamma Kalaallit Nunaanni najugaqarpal, Inatsisartut inatsisaat malillugu suliffeqarfittut innuttaasunik tapersersortarialinnik suliffissaqartitsisutut nalunaarsorsimasinnaavoq, taamaattoq takuuk imm. 2 aamma §§ 7-9.

Imm. 2. Suliffeqarfik inummit ataatsimit ingerlanneqartoq aamma suliffeqarfik piginneqatigiinnikkut pilersinneqarsimasoq, Inatsisartut inatsisaat malillugu suliffeqarfittut innuttaasunik tapersersortarialinnik suliffissaqartitsisutut nalunaarsorneqarsinnaanngilaq.

§ 7. Suliffeqarfik piumasaqaatit makkua tamaasa naammassisimagunigit aatsaat, suliffeqarfittut innuttaasunik tapersersortarialinnik suliffissaqartitsisutut nalunaarsorneqarsinnaavoq:

- 1) Suliffeqarfik innuttaasunik tapersersuiniarnermi siunertaqassaaq. Suliffeqarfip innuttaasunut ikiuiniarnermi siunertaqarnera suliffeqarfip malittarisassaani imaluunniit malittarisassaqanngippat pilersinneqarnerani upfernarsaammi takuneqarsinnaassaaq.
- 2) Suliffeqarfik inuussutissarsiornermi ingerlataqartuussaaq.
- 3) Suliffeqarfik pisortanut attuumassuteqassanngilaq.
- 4) Suliffeqarfik sulinermini akuutitsisuussaaq akisussaassuseqartuussallunilu.
- 5) Suliffeqarfik akileraaruteqareerermi angusaminik ingerlatat uku arlaannut ataatsimut arlalinnulluunniit atuinermigut sinneqartoortiminit innuttaasunik tapersersortarialinnik isumaginnissaaq:
 - a) Nammineq suliffeqarfimmini aningaasaleeqqinnej.
 - b) Suliffeqarfittut innuttaasunik tapersersortarialinnik suliffissaqartitsisutut nalunaarsugaasimasunut allanut aningaasaliineq imaluunniit tunissuteqarneq.
 - c) Kattuffinnut tamanut iluaqtaasussanik imaluunniit tamanut ajunngitsuliornissamik siunertaqartunut tunissutit.
 - d) Suliffeqarfimmik piginnittunut iluanaarutinik allatigulluunniit agguagarsiassanik killeqartumik akiliineq, takuuk § 8.

§ 8. Suliffeqarfittut innuttaasunik tapersersortarialinnik suliffissaqartitsisutut nalunaarsugaasumi piginnittut, aallaqqammut aningaasaliissutaaqqaartut annertoqataannik aallaqqammut aningaasaliissutaaqqaarsimasut ukiumut naammaginartumik erniaqartinneranut naapertuuttunik suliffeqarfimmik piffissami pigisimasaminni ataatsimut ajunngitsorsiassanik taamaallaat tigusisinnaatitaapput. Qanoq ernialersuineq naammaginartuunersoq pisunik ataasiakkaanik tamaginni naliliisoqarneratigut tamanna aalajangerneqartassaaq, taamaattoq takuuk imm. 2.

Imm. 2. Pisortat erniatut kisitsisut qaqugukkulluunniit aalajangiinerat 15 procentimik tapeqartillugu qaangerlugu ukiumut erniortinnejarsimappat, imaluunniit akileraaruteqareerermi suliffeqarfip angusaanit 35 procentit sinnerlugit iluanaarutitut akilerneqarpata, erniortitsineq naammaginassanngilaq.

Imm. 3. Pissarsiassanik tunniussisoqassappat, pissarsiassanut aalajangersakkanut suliffeqarfip inatsisit allat, taassuma malittarisassai imaluunniit malittarisassaqarsimanngippat pilersitsinermut uppernarsaat immaqalu tamatumunnga isumaqatigiissut, malillugit malitassaannut naapertuuttumik tamanna pissaaq.

Suliffeqarfittut innuttaasunik tapersersortarialinnik suliffissaqartitsisutut nalunaarsuineq

§ 9. Suliffeqarfip suliffeqarfittut innuttaasunik tapersersortarialinnik suliffissaqartitsisutut nalunaarsorneqarnissaa akuerineqarsimappat, takuuk § 4, aammalu suliffeqarfittut innuttaasunik tapersersortarialinnik suliffissaqartitsisutut nalunaarsugaanissamut piumasaqaatinik naammassinnilluni, takuuk §§ 6-8, suliffeqarfik aatsaat suliffeqarfittut innuttaasunik tapersersortarialinnik suliffissaqartitsisutut nalunaarsorneqarsinnaavoq.

Imm. 2. Suliffeqarfimmik suliffeqarfittut innuttaasunik tapersersortarialinnik suliffissaqartitsisutut nalunaarsorneqarnissamut akuerineqarsimasumik Atuisartoqarnermut Unammilleqatigiinnermullu Aqutsisoqarfik nalunaarsuivoq, takuuk § 4.

Suliffeqarfittut innuttaasunik tapersersortarialinnik suliffissaqartitsisutut nalunaarsugaajunnaarneq

§ 10. Suliffeqarfik, suliffeqarfittut innuttaasunik tapersersortarialinnik suliffissaqartitsisutut nalunaarsuiffimmi suliffeqarfittut innuttaasunik tapersersortarialinnik suliffissaqartitsisutut nalunaarsugaasimasoq, takuuk kapitali 4, §§ 6-8-mi nalunaarsuinissamut piumasaqaatinik tamanik naammassinnikkunnaarpat, suliffeqarfip sapinngisamik piaartumik suliffeqarfittut innuttaasunik tapersersortarialinnik suliffissaqartitsisutut nalunaarsuiffimmi nalunaarsorsimanini allanngortissavaa, taamaalilluni suliffeqarfik tamatuma kingorna suliffeqarfittut innuttaasunik tapersersortarialinnik suliffissaqartitsisutut nalunaarsorsimajunnaassalluni. Taamaattoq suliffeqarfip §§ 6-8-mi nalunaarsorneqarnissamut piumasaqaatit naammassineqarsimanngitsut piffissaliussap naleqquttup malillugu Atuisartoqarnermut Unammilleqatigiinnermullu Aqutsisoqarfimmit imm. 2 malillugu aalajangersarneqartup iluani, iluarsisimappagit, suliffeqarfip taamatut nalunaarsorsimajunnaarnissaq isumagissanngila.

Imm. 2. Suliffeqarfik tamatuminnga qinnuteqarpat, aamma suliffeqarfik piffissaliussap naammaginartup iluani iluarsiisinnaasoq Atuisartoqarnermut Unammilleqatigiinnermullu Aqutsisoqarfillu naliliippat, §§ 6-8-mi nalunaarsugaanissamut piumasaqaatit naammassineqarsimanngitsut iluarsineqarnissaannut suliffeqarfimmut nalunaarsugaasimasumut Atuisartoqarnermut Unammilleqatigiinnermullu Aqutsisoqarfik piffissamik naammaginartumik piffissaliinermik aalajangiissaq.

Suliffeqarfittut innuttaasunik tapersersortarialinnik suliffissaqartitsisutut nalunaarsugaanermut taaguutip atorneqarnissaanut suliffeqarfip nalunaarsorsimasut kisermaassisussaatitaanerat

§ 11. Suliffeqarfiiit kapitali 4 naapertorlugu suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi nalunaarsorsimasut, atiminni nittarsaanerminnilu suliffeqarfittut innuttaasunik tapersersortarialinnik suliffissaqartitsisutut nalunaarsugaanermut taaguutip atornissaanut kisermaassisussaatitaapput.

Imm. 2. Suliffeqarfik § 4 naapertorlugu nalunaarsorneqarnissaq Atuisartoqarnermut Unammilleqatigiinnermullu Aqtsisoqarfimmit akuerineqarsimappat, aammalu kapitali 4 naapertorlugu suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi suliffeqarfittut innuttaasunik tapersersortarialinnik suliffissaqartitsisutut nalunaarsorsimalluni, aatsaat suliffeqarfittut innuttaasunik tapersersortarialinnik suliffissaqartitsisutut nalunaarsorsimasutut taaguutip atorneqarnissaanut suliffeqarfik pisinnaatitaavoq.

Kapitali 3

Suliffeqarfiiup pisussaaffii

Qitiusumik aqutsisutut oqartussaasut pisussaaffii

§ 12. Suliffeqarfiiup oqartussanut paasissutissanik tunniussinerani aammalu pissutsit Inatsisartut inatsisaanni pineqartunut ilaasut pillugit paasissutissanik nalunaarsuinermi, suliffeqarfiiup eqqortunik tamakkiisunillu paasissutissanik tunniussinissaanut, suliffeqarfimmi qitiusumi aqutsisutut oqartussaasoq akisussaaffeqarpoq. Akisussaaffeqarnermi ilatigut suliffeqarfiiup suliffeqarfittut innuttaasunik tapersersortarialinnik suliffissaqartitsisutut nalunaarsorneqarnissaanik akuersissuteqarnissamik qinnuteqarnermi, suliffeqarfiiup suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi suliffeqarfittut innuttaasunik tapersersortarialinnik suliffissaqartitsisutut nalunaarsorneqarnerani, suliffeqarfiiup pissutsit Inatsisartut inatsisaanni pineqartunut ilaasut pillugit nalunaarusiornerani, suliffeqarfiiup oqartussat suliffeqarfimmut tassungalu tunngasunik ingerlataannillu nakkutiliineranni paasissutissanik tunniussinerani, suliffeqarfiiup paasissutissanik tunniussinera pineqartunut ilaavoq.

Imm. 2. Suliffeqarfimmi nalunaarsorsimasumi qitiusumi aqutsisutut oqartussap § 10-imti tamanna pillugu aalajangersakkat malillugit suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi suliffeqarfiiup nalunaarsorsimajunnaarsinnissaa akisussaaffigaa, takuuk kapitali 4.

Nalunaarusiorneq aamma nalunaarusianik nalunaarsuineq

§ 13. Suliffeqarfik innuttaasunik tapersersortarialinnik suliffissaqartitsisutut nalunaarsorsimasoq ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu peqqussut naapertorlugu ukiut tamaasa ukiumut nalunaarusiamik saqqummiussisassaaq minnerpaamillu naatsorsuusiornermi malitassanut B-nut maleduagassat malissallugit.

Imm. 2. Suliffeqarfiiup innuttaasunik tapersersortarialinnik suliffissaqartitsisutut nalunaarsorsimasup imm. 1 naapertorlugu ukiumoortumik nalunaarusiaq, kingusinnerpaamik suliffeqarfiiup ukiumoortumik naatsorsuutit pillugit inatsisip Kalaallit Nunaannut

atuutilersinneqarnera pillugu peqqussummi tamanna pillugu aalajangersakkat naapertorlugit ukiumoortumik nalunaarusiamik Inuussutissarsiornermut Aqutsisoqarfimmut nassiussineranut peqatigitillugu, Atuisartoqarnermut Unammilleqatigiinnermullu Aqutsisoqarfimmut nassiutissavaa.

Imm. 3. Ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu peqqussut malillugu ukiumoortumik nalunaarusiamut piumasaqaatit saniatigut, ukiumoortumik nalunaarusiamik nassiussinermut atatillugu ukiut tamaasa suliffeqarfittut innuttaasunik tapersersortarialinnik suliffissaqartitsisutut nalunaarsugaasimasup pissutsit uku pillugit nalunaarusiusaaq:

- 1) Aqutsisuni maannakkut siusinnerusukkullu ilaasortat sulinerannut akissarsiat tamarmiusut aqutsisuni oqartussanut ataasiakkaarlugit agguarlugit aamma suliffeqarfiup pilersitsisuinut piginnittuinullu akissarsiat.
- 2) Qanittumik suleqatigisanut isumaqatigiissutit.
- 3) Aningaasat tigoriaannaat pigisallu nalillit allat suliffeqarfiup pisuussutaanit agguagarsiaasut imaluunniit agguanneqartut.
- 4) Suliffeqarfiup § 7, imm. 1, nr. 1 naapertorlugu innuttaasunik ikiortarialinnut siunertani qanoq naammassineraa, § 7, imm. 1, nr. 3 naapertorlugu qanoq pisortanut attuumassuteqannginnersoq, aamma § 7, imm. 1, nr. 4 naapertorlugu sulinermini qanoq akuutitsinersoq akisussaassuseqarnersorlu.

Imm. 4. Suliffeqarfik innuttaasunik tapersersortarialinnik suliffissaqartitsisutut nalunaarsorsimasoq pissarsiassanik akiliippat, suliffeqarfik naatsorsuinermik akiliinermut atatillugu aningaasaatini aningaasaliissutaasimasut erniortinneqarnerannik takutitsisumik, Atuisartoqarnermut Unammilleqatigiinnermullu Aqutsisoqarfimmut nassiussissaaq.

Imm. 5. Paasissutissat imm. 3, nr. 1-4-im i taaneqartut suliffeqarfiup ukiumoortumik nalunaarusiaani takuneqarsinnaappata, paasissutissat imm. 3 malillugu nalunaarutigineqarsimasutut isagineqassapput.

§ 14. Suliffeqarfiup ukiumoortumik nalunaarusiaa aamma § 13 malillugu allatigut nalunaarusiaa suliffeqarfinnut innuttaasunik tapersersortarialinnik suliffissaqartitsisunut nalunaarsuiffimi nalunaarsorneqassaaq, takuuk kapitali 4.

Akissarsiat

§ 15. Akissarsianik tunniussinerup aningaasanit, suliaqarnerup suussusaa suliaqarnerullu annertussusaa malillugu nalinginnaasutut isagineqartunit, aammalu suliffeqarfiup innuttaasunik tapersersortarialinnut siunertaanut sanilliullugu isumannaatsutut isagineqartariaqartunit, annertunerunnginnissaa, suliffeqarfimmi innuttaasunik tapersersortarialinnik suliffissaqartitsisutut nalunaarsorneqartumi qitiusumik aqutsisutut oqartussat nakkutigissavaat.

Atorunnaarsitsineq, aningaasaatit appartinneri aamma nalunaarsorsimajunnaarneq

§ 16. Suliffeqarfittut innuttaasunik tapersersortarialinnik suliffissaqartitsisutut nalunaarsorsimasup atorunnaarsinnerani sinneqartoorutaasimasut § 7, imm. 1, nr. 5 naapertorlugit atorneqassapput.

Imm. 2. Suliffeqarfittut innuttaasunik tapersersortarialinnik suliffissaqartitsisutut nalunaarsugaasimasumi aningaasaatit appartinnerini agguagarsiat § 7, imm. 1, nr. 5-imi aalajangersarneqarsimasut killiliussat iluanni tunniunneqassapput.

Imm. 3. § 7, imm. 1, nr. 5 malillugu suliffeqarfiup sinneqartooraannit innuttaasunik tapersersortarialinnik isumaginnissamut pisussaaffeqarneq, sinneqartoortinit suliffeqarfiup, suliffeqarfittut innuttaasunik tapersersortarialinnik suliffissaqartitsisutut nalunaarsorsimancerani katersorneqarsimasunut tunngatillugu, suliffeqarfittut innuttaasunik tapersersortarialinnik suliffissaqartitsisutut nalunaarsorsimajunnaarnerata kingorna aamma atutissaaq.

Kapitali 4

Suliffeqarfinnut innuttaasunik tapersersortarialinnik suliffissaqartitsisunut nalunaarsuinermut nalunaarsuiffik

§ 17. Naalakkersuisut inatsisartut inatsisaat malillugu suliffeqarfifit suliffeqarfittut innuttaasunik tapersersortarialinnik suliffissaqartitsisutut nalunaarsugaanerannut atugassamik nalunaarsuiffimmik pilersitsillutillu ingerlatsissapput, taamaattoq takukkit imm. 2 aamma 3.

Imm. 2. Naalakkersuisut sinnerlugit oqartussaq imaluunniit suliffeqarfik imm. 1 malillugu nalunaarsuiffimmik pilersitsissasoq ingerlatsissasorlu, Kalaallit Nunaanni imaluunniit Danmarkimi pisortani oqartussamut imaluunniit pisortat suliffeqarfiutaannut Naalakkersuisut isumaqatigiissuteqarsinnaapput.

Imm. 3. Inatsisartut inatsisaat malillugu suliffeqarfittut innuttaasunik tapersersortarialinnik suliffissaqartitsisutut suliffeqarfifit nalunaarsornissaannut atugassatut, oqartussap imaluunniit suliffeqarfiup nalunaarsuiffia Naalakkersuisunit atorneqassasoq, pillugu Kalaallit Nunaanni imaluunniit Danmarkimi pisortani oqartussamut imaluunniit pisortat suliffeqarfiutaannut Naalakkersuisut isumaqatigiissuteqarsinnaapput.

§ 18. § 17 malillugu nalunaarsuiffimmik pilersitsinissaq ingerlatsinissarlu aammalu tassungat atillugu pissutsit attuumassuteqartut tamaasa pillugit aalajangersakkanik erseqqinnerusunik Naalakkersuisut aalajangersaasinnaapput. Naalakkersuisut ilaatigut pissutsit makkua pillugit aalajangersakkanik erseqqinnerusunik aalajangersaasinnaapput:

- 1) Nalunaarsuiffimmik pilersitsineq ingerlatsinerlu.
- 2) Nalunaarsuiffimmut isersinnaaneq atorneqarneralu.
- 3) Inatsisartut inatsisaat malillugu nalunaarsuineq nalunaarsugaajunnaarsitsinerlu.
- 4) Inatsisartut inatsisaat malillugu nalunaarusiornerit.
- 5) Inatsisartut inatsisaat malillugu nalunaarsuinerni, nalunaarsugaajunnaarsitsinermi nalunaarusiornermilu IT atorlugu periaatsinik aalajangersimasunik, immikkut digitalikkut ilutsinik, digitalikkut atsiornernik aamma ilusissaannut imarisassaannullu piumasaqaatinik allanik atuinissaq.
- 6) Paasissutissat nalunaarsuiffimmiettussat paasissutissallu qanoq annertutigisumik tamanit pissarsiarineqarsinnaaneri.
- 7) Inatsisartut inatsisaat malillugu nalunaarsuinermut, nalunaarsugaajunnaarsitsinermut nalunaarusiornermullu akisussaaneq, ilanngullugit ilaatigut nalunaarsuinerup,

nalunaarsugaajunnaarsitsinerup nalunaarusiornerulluunniit isumaginissaanut pissusissamisoortumik piginnaatitsissut aamma tassunga atatillugu uppernarsaatit atuuttuuneri.

8) Nalunaarsuiffimmut isersinnaanermut atorneqarneranullu atatillugu aningaasartuutnik akiliineq, ilanngullugit ilaagitut nalunaarsuinermut akiliutit akilerneqarneri, kingusinaartumik akiliinermi akileeqqusinermut allakkiat aamma kingusinaartumik akiliinermi ernianik akiliinerit.

Kapitali 5

Atuisartoqarnermut Unammilleqatigiinnermullu Aqutsisoqarfíup nakkutilliinera aamma oqartussat suliarinninnerat ilaalu ilanngullugit

§ 19. Atuisartoqarnermut Unammilleqatigiinnermullu Aqutsisoqarfík inatsisartut inatsisaanni pineqartunut ilaasunut tunngasunut nakkutilliisuuvooq.

Imm. 2. Inatsisartut inatsisaata, aalajangersakkat inatsisartut inatsisaat malillugu aalajangersagaasut aamma akuersissuteqarnermi tunngavissarititaasut naammassineqarnissaat pillugu

Atuisartoqarnermut Unammilleqatigiinnermullu Aqutsisoqarfík peqqusissuteqarsinnaavoq.

Peqqusissuteqarneq suliffeqarfínnut aamma inunnut Inatsisartut inatsisaanni pineqartunut ilaasunut nalunaarutigineqarsinnaavoq.

Imm. 3. Suliffeqarfíit aamma inuit inatsisartut inatsisaanni pineqartunut ilaasut paasissutissat oqartussatut suliarinninnissamut aamma inatsisartut inatsisaanni pineqartunut ingerlataqarnernut pisariaqartut tamaasa Atuisartoqarnermut Unammilleqatigiinnermullu Aqutsisoqarfímmut nalunaarutigissavaat aammalu allakkiat tamaasa nassiuutissallugit. Atuisartoqarnermut Unammilleqatigiinnermullu Aqutsisoqarfíup inatsisartut inatsisaat malillugu oqartussatut suliarinninnerup ingerlanneqarnissaanut suliffeqarfíit aamma inuit inatsisartut inatsisaanni pineqartunut ilaasut paasissutissanik allakkianillu Atuisartoqarnermut Unammilleqatigiinnermullu Aqutsisoqarfíup pisariaqarsorisaannik, aammalu Atuisartoqarnermut Unammilleqatigiinnermullu Aqutsisoqarfíup pisariaqartitaatut iliorlutik aammalu iluseqartillugit, nassiuussinissamik peqqusinnaavai.

Imm. 4. Suliffeqarfíit aamma inuit inatsisartut inatsisaanni pineqartunut ilaasut, pissutsit ingerlatallu Inatsisartut inatsisaanni akuersissuteqarnernilu pineqartunut ilaasut pillugit nalunaarusianik Atuisartoqarnermut Unammilleqatigiinnermullu Aqutsisoqarfímmut nassiuussissapput. Suliffeqarfíttut innuttaasunik tapersersortarialinnik suliffissaqartitsisutut nalunaarsorsimasut ukiut tamaasa § 13 malillugu ukiumoortumik nalunaarusiamik Atuisartoqarnermut Unammilleqatigiinnermullu Aqutsisoqarfímmut nassiuussisassapput, tamatumalu saniatigut tamanna Atuisartoqarnermut Unammilleqatigiinnermullu Aqutsisoqarfímmut pisariaqartutut isigineqarpat, nalunaarusianik Atuisartoqarnermut Unammilleqatigiinnermullu Aqutsisoqarfímmut nassiusissallutik.

Imm. 5. Nalunaarusiorneq pillugu aalajangersakkanik erseqqinnerusunik Naalakkersuisut aalajangersaasinnaapput.

Imm. 6. Atuisartoqarnermut Unammilleqatigiinnermullu Aqutsisoqarfík inatsisartut inatsisaat malillugu akuersissuteqarnerni aalajangiinernilu nalunaarusiorneq pillugu piumasaqaatinik aalajangersaasinnaavoq.

§ 20. Suliffeqarfiiit inuillu inatsisartut inatsisaanni pineqartunut ilaasut suliamic suliariinninnermut allatigullu inatsisartut inatsisaat malillugu oqartussatut suliariinninnermut atatillugu aningaasartuutinik akiliissapput. Akiliineq akiliutitut imaluunniit aningaasartuutit utertinnerisigut akileeqqusinikkut pisinnaavoq.

Imm. 2. Imm. 1 malillugu oqartussat aningaasartuutaannik suliffeqarfiiit inuillu akiliinissaat pillugu aalajangersakkanik erseqqinnerusunik Naalakkersuisut aalajangersaasinnaapput.

Imm. 3. Imm. 1 malillugu oqartussat aningaasartuutaannik suliffeqarfiiit inuillu akiliisarnerat pillugu atugassaritaasunik erseqqinnerusunik, inatsisartut inatsisaat malillugu akuersissuteqarnerni aalajangiinernilu Atuisartoqarnermut Unammilleqatigiinnermullu Aqutsisoqarfik aalajangersaasinnaavoq.

§ 21. Ingerlatat pissutsillu inatsisartut inatsisaanni pineqartunut ilaasut pillugit ukiumoortumik nalunaarusiamik aamma ukiup siuliani inatsisartut inatsisaat malillugu Atuisartoqarnermut Unammilleqatigiinnermullu Aqutsisoqarfriup nakkutilliinera aalajangiinerilu pillugit ukiut tamaasa kingusinnerpaamik februarip aallaqqaataani Atuisartoqarnermut Unammilleqatigiinnermullu Aqutsisoqarfik Naalakkersuisunut nassiussisassaaq.

Imm. 2. Ingerlatat pissutsillu inatsisartut inatsisaanni pineqartunut ilaasut pillugit nalunaarusianik allanik aamma paassisutissanik allanik aamma inatsisartut inatsisaat malillugu Atuisartoqarnermut Unammilleqatigiinnermullu Aqutsisoqarfriup nakkutilliinera aalajangiisarneralu pillugit Atuisartoqarnermut Unammilleqatigiinnermullu Aqutsisoqarfriup Naalakkersuisunut nassiussisarnissa pillugu Naalakkersuisut aalajangersakkanik aalajangersaasinnaallutillu aalajangiisinnaapput.

Kapitali 6

Naammagittaallior sinnaaneq

§ 22. Inatsisartut inatsisaat malillugu imaluunniit aalajangersakkat inatsisartut inatsisaat malillugu aalajangersarneqartut malillugit Atuisartoqarnermut Unammilleqatigiinnermullu Aqutsisoqarfimmit aalajangiiffigineqartut Naalakkersuisunut suliassanngortinnejqarsinnaapput, taamaattoq takuuq imm. 3.

Imm. 2. Naammagittaalliuut aalajangiinerup pineqartumut nalunaarutigineraniit kingusinnerpaamik sapaatit akunneri 4 qaangiutsinnagit Naalakkersuisunit tiguneqarsimassaaq.

Imm. 3. Imm. 1-imi taama aalajangersagaqaraluartoq Atuisartoqarnermut Unammilleqatigiinnermullu Aqutsisoqarfriup § 5, imm. 2 imaluunniit § 10, imm. 2 malillugit iluarsiinissamut piffissaliussap aalajangersarneqarnera pillugu aalajangiineri Naalakkersuisunut suliassanngortinneqarsinnaanngillat.

Imm. 4. Imm. 1 naapertorlugu naammagittaalliuut Naalakkersuisunit suliarineqarnissaa itigartinneqarsinnaavoq naammagittaalliateqartoq taperserneqassanngitsoq Naalakkersuisunit qularineqanngippat.

§ 23. Naalakkersuisunit aalajangiussat allaffissornikkut oqartussamut allanut suliakkiunneqarsinnaanngillat.

Kapitali 7

Pineqaatissiisarnermut aalajangersakkat

§ 24. Inatsisartut inatsisaata matuma unioqqutinneranut pisuni makkunani akiliisitsisoqarsinnaavoq:

- 1) Inuk imaluunniit suliffeqarfik tamatumunnga § 4 malillugu Atuisartoqarnermut Unammilleqatigiinnermullu Aqutsisoqarfimmit akuersissuteqarfingineqarsimanani, kapitali 4 naapertorlugu suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi, suliffeqarfimmik suliffeqarfittut innuttaasunik tapersersortarialinnut suliffissaqartitsisutut nalunaarsuisimasoq.
- 2) Inuk imaluunniit suliffeqarfik § 4 malillugu Atuisartoqarnermut Unammilleqatigiinnermullu Aqutsisoqarfimmit akuersissuteqarfingineqarsimanani atimini, nittarsaanermini allatigulluunniit suliffeqarfittut innuttaasunik tapersersortarialinnik suliffissaqartitsisutut nalunaarsugaasumut taaguummik atusoq.
- 3) Suliffeqarfik kapitali 2-mi piumasaqaammik ataatsimik arlalinnilluunniit naammassinninngitsoq ingerlaannaq Atuisartoqarnermut Unammilleqatigiinnermullu Aqutsisoqarfimmut nalunaarutiginagu, suliffeqarfimmik innuttaasunik tapersersortarialinnik suliffissaqartitsisutut nalunaarsugaasumi qitiusumik aqutsisutut oqartussat § 5, imm. 1-imi aalajangersakkamik unioqqutitsisut.
- 4) Suliffeqarfik innuttaasunik tapersersortarialinnik suliffissaqartitsisutut nalunaarsugaasoq, akileraaruteqareerneremi suliffeqarfip sinneqartoorutanik innuttaasunik tapersersortarialinnik isumaginninnani, § 7, imm. 1, nr. 5-imi aalajangersakkamik unioqqutitsisoq.
- 5) Suliffeqarfik innuttaasunik tapersersortarialinnik suliffissaqartitsisutut nalunaarsugaasoq, atorunnaarsitsinermi sinneqartoorutinik imaluunniit aningaasaatit apparinnejnarerini agguagarsisitsinikkut innuttaasunik tapersersortarialinnik isumaginninnani, § 16, imm. 1-imi aamma 2-mi aalajangersakkanik unioqqutitsisoq.
- 6) Siusinnerusukkut suliffeqarfittut innuttaasunik tapersersortarialinnik suliffissaqartitsisutut nalunaarsugaasimasoq, sinneqartoorutinik suliffeqarfip inatsisartut inatsisaat malillugu nalunaarsorsimanerata nalaani katersorneqarsimasut atorlugit innuttaasunik tapersersortarialinnik isumaginninnani, § 16, imm. 3-mi aalajangersakkamik unioqqutitsisoq.
- 7) Inuk imaluunniit suliffeqarfik inatsisartut inatsisaanni pineqartunut ilaasoq paasissutissanik eqqunngitsunik imaluunniit paatsuungatitsisunik imaluunniit paasissutissanik pisortani oqartussap inatsisartut inatsisaat imaluunniit aalajangersakkat inatsisartut inatsisaat malillugu aalajangersagaasut malillugit piumasaqaatigisaannik nipangiussiinnartoq, takuuk § 3, imm. 1 aamma 2, § 12, imm. 1, § 13 aamma § 19, imm. 2 aamma 3.
- 8) Suliffeqarfimmik innuttaasunik tapersersortarialinnik suliffissaqartitsisutut nalunaarsugaasumi qitiusumik aqutsisutut oqartussat, suliffeqarfinnut innuttaasunik tapersersortarialinnik suliffissaqartitsisunut nalunaarsuiffimmi kapitali 4 naapertorlugu suliffeqarfik nalunaarsorsimajunnaartinnagu, § 10-mi aamma § 12, imm. 2-mi aalajangersakkanik unioqqutitsisut.

9) Suliffeqarfik innuttaasunik tapersersortarialinnik suliffissaqartitsisutut nalunaarsugaasoq, suliffeqarfittut innuttaasunik tapersersortarialinnik suliffissaqartitsisunut nalunaarsuiffimmi § 13 malillugu suliffeqarfiup ukiumoortumik nalunaarusiaanik allatigulluunniit nalunaarusianik nalunaarsuinani, § 14-imi aalajangersakkamik unioqqutitsisoq.

Imm. 2. Unioqqutitsinermut Kalaallit Nunaanni pinerluttulerinermi inatsit malillugu akiliisitsisoqarsinnaasoq, aalajangersakkani inatsisartut inatsisaat malillugu aalajangersarneqartuni aalajangersarneqarsinnaavoq.

Imm. 3. Imm. 1 imaluunniit aalajangersakkat inatsisartut inatsisaat malillugu aalajangersarneqartut malillugit akiliisitsineq, takuuk imm. 2, Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasunut pisussaatitaasunullu peqqussutaasinnaavoq.

Imm. 4. Inatsisartut inatsisaat imaluunniit aalajangersakkat inatsisartut inatsisaat malillugu aalajangersarneqartut malillugit akiliisitsinerit nunatta karsianut tutsinneqassapput.

Kapitali 8

Atuutilernera

§ 25. Inatsisartut inatsisaat ulloq 1. januar 2020 atuutileroq.

Namminersorlutik Oqartussat, ulloq xx. xxx 2019

Kim Kielsen